



ბიულეტენი

აფხაზეთის სულიერებისა და კულტურის ცენტრის
ყოველთვიური საინფორმაციო ორგანო

№6 (24) ივნისი 2009 წელი



წმინდა მარტყოფა ხაბაძის სახელობა (I)

ბმ. სვიმონ ჟანანელის წმენობის დღე



26 მაისი, მწვანის ქუჩა



ბიულეტენი გამოდის ცხუმ-აფხაზეთის მიტროპოლიტ დანიელის (დათუაშვილის) ლოცვა-კურთხევით 2007 წლის ივლისიდან

აფხაზეთის განსაკუთრებული მდგომარეობა

მოციქული სვიმეონ მოშურნე-კანანელი (I) იესუ ქრისტეს უახლოეს ათორმეტთაგანი მოციქული იყო. იგი როგორც ვარაუდობენ მოშურნედ, ანუ კანანელად იწოდება მოციქულ სვიმეონ პეტრესაგან განსასხვავებლად. მოშურნეები ეწოდებოდნენ ებრაელთა ერთ-ერთი სარწმუნოებრივი დაჯგუფების წევრებს და როგორც ჩანს, მოციქული სვიმეონი მათი წევრი იყო, ვინემ ქრისტეს შეუდგებოდა.

(არსებობს მოსაზრება, რომ იგი იყო კანას მკვიდრი და უფალმა იესუ ქრისტემ მის ქორწილში ადასრულა წყლის ღვინოდ ქცევის სასწაული, რის შემდეგაც სვიმეონმა მიატოვა საცოლე და გაჰყვა ქრისტეს. რაც ზოგი ვარაუდით არ შეესაბამება სიმართლეს, რამეთუ ამ შემთხვევაში ქორწილში უფლის სტუმრობა საიდუმლოს კურთხევად კი არ იქნებოდა საგულვეტელი, არამედ პირიქით, — მისი აკრძალვისა და გაუქმების მომასწავებლად).

სულთმოფენობის დღეს სხვა მოციქულებთან ერთად სვიმეონზეც გარდმოვიდა სულიწმიდის მადლი. წმიდა მოციქული ქრისტეს მოძღვრებას ქადაგებდა იუდეაში, ეგვიპტეში, კირინეაში, ბრიტანეთში...

წმიდა სვიმეონმა წმიდა ანდრია პირველწოდებულთან ერთად იქადაგა დასავლეთ საქართველოში. წმიდა ანდრია შემდგომ სკვითთა ქვეყანაში გადავიდა, სვიმეონი კი აფხაზეთში დარჩა წარმართთა მოსაქცევად.

წარმართებმა წმიდა სვიმეონი ქვებით ჩაქოლეს. დაკრძალულია ანაკოფიაში, სოხუმთან ახლოს. შემდგომში სვიმეონ კანანელის საფლავზე, ახალი ათონის მთაზე, მონასტერი აღიმართა. დღემდე შემორჩენილია მღვიმე, სადაც წმიდა მოციქული მოღვაწეობდა.

„წმიდათა ცხოვრება“, წიგნი I, თბილისი, 2008.

2009 წლის 23 მაისს, მოციქულ სვიმონ კანანელის ხსენების დღეს, სამების საკათედრო ტაძარში ლოცვა აღავლინა ცხუმ-აფხაზეთის მიტროპოლიტმა მეუფე დანიელმა (დათუაშვილმა).

გთავაზობთ ქადაგებას:

„დღეს ჩვენ ვიხსენებთ სვიმონ კანანელს. მას ასევე ეწოდება სვიმონ მოშურნე. ეს მოციქული ანდრია პირველწოდებულსა და მატათასთან ერთად მოგზაურობდა საქართველოში. აფხაზეთში მან მიიღო მონამეობრივი აღსასრული და დაკრძალულია ახალ ათონში. 12 მოციქულთაგან 2 საქართველოს მიწაზე დაიკრძალა — სვიმონ კანანელი და მოციქული მატათა. ეს იმას ნიშნავს, რომ უფლის დიდი მადლი, უფლის დიდი ნყალობა არის ჩვენს ქვეყანაზე. და ჩვენ ღრმად გვწამს, რომ მოციქულთა ლოცვით უფალი აღადგენს საქართველოს მთლიანობას, აღადგენს მშვიდობას აფხაზეთში, სამაჩაბლოში. გაამთლიანებს და სულიერად ააღორძინებს და გააბრწყინებს სრულიად საქართველოს. დღეს ჩვენ ყველამ ერთად კიდევ ერთხელ თაყვანი უნდა ვცეთ ჩვენს დიდ მფარ-

ველს, მოციქულ სვიმონ კანანელს და ვევედროთ საქართველოს მშვიდობისა და გამთლიანებისათვის...

აფხაზეთის განსაკუთრებული მფარველია სვიმონ კანანელი. მოციქულს დიდი ძალა აქვს. მის ლოცვას შეუძლია განდევნოს აფხაზეთის მიწიდან ყოველი ხილული და უხილავი ბოროტი ძალა, დაარღვიოს მათი მანქანება, მაგრამ ამისთვის საჭიროა ჩვენი მზადყოფნა. როგორც მისი უწმიდესობა სრულიად საქართველოს კათოლიკოს-პატრიარქი ილია II თავის სააღდგომო ეპისტოლეში ბრძა-

ნებს, ჩვენ ზეცაში გვყავს ძალიან დიდი მფარველები. დვთისმშობლის შემდეგ უდიდესია მოციქულთა მუამდგომლობა და ჩვენს ზეციურ მფარველებს ძალუძთ საქართველოს გამთლიანება, მაგრამ უწმიდესი აღნიშნავს ასევე ეპისტოლეში, რომ საკმარისი არ არის მხოლოდ მათი მფარველობა,

მხოლოდ მათი მეოხება. უფალი თავის ზეციურ ძალებთან დაწმინდა ანგელოზებთან ერთად მუდამ მზად არის დაეხმაროს ყოველ ადამიანს, ყოველ ერს, მაგრამ ჩვენ უნდა ვიყოთ მზად ამისთვის. აი სწორედ ჩვენს ნაბიჯს ელოდება უფალი და აი ამ ნაბიჯს, როგორც სააღდგომო ეპისტოლეში ხაზს უსვამს მისი უწმიდესობა, ეწოდება სწორი ცხოვრება, რაც არ არის ადვილი, მითუმეტეს, თუ ჩვენ გავიხსენებთ, როგორი რთული იყო ჩვენი ბოლო საუკუნეები და განსაკუთრებით XX საუკუნე. ბევრმა ჩვენგანმა, უმრავლესო-



ბამ, დაივინყა ისწესი და ტრადიცია, რომლითაც ცხოვრობდნენ ჩვენი წინაპრები და იცავდნენ თავს ბოროტი ძალებისაგან.

(გაგრძელება მე-4 გვ.)

აფხაზეთის განსაკუთრებული პოპოლოგი

(დასაწყისი მე-3 გვ.)

ამ ტრადიციას ჰქვია კავშირი უფალთან, კავშირი სულიწმიდის მადლთან. ბოროტებას მხოლოდ ღვთის ძალა, მხოლოდ ღვთის მადლი ამარცხებს. და ამიტომ გაუძლო და მოვიდა საქართველო დღემდე, რადგანაც ღვთის მადლი უხვად იყო მასში. სწორედ ღვთის მადლი გაამთლიანებს საქართველოს, ღვთის მადლი დაგვაბრუნებს აფხაზეთში და სამაჩაბლოში და დღევანდელი ლოცვაც იმისკენ იყო მიმართული, რომ უფალმა მოგვანიჭოს უნარი, რომ ჩვენც, ყოველი ჩვენგანი, ჩვენი წინაპრების მსგავსად, ვიყოთ ჭეშმარიტი მართლმადიდებელი ქრისტიანები, რომ გავხდეთ ტაძარი ღვთისა, რომ გავხდეთ ჭურჭელი სულისა წმიდისა. მხოლოდ ამ შემთხვევაში დაიძლევა ბოროტება, მხოლოდ ამ შემთხვევაში გამოჩნდება ძალა ღვთისა და აი ეს არის ბიბლიური ისტორიის მთავარი აზრი. უფალი გვეუბნება: „მოიქცეით ჩემკენ და მოვიქცევი თქვენკენ“. დღეს ქართველი ერი, ღვთის წყალობით, პატრიარქის წინამძღოლობით უბრუნდება ჭეშმარიტ გზას, წინაპართა გზას. მაგრამ, რამდენიმე დღის წინ მისმა უწმიდესობამ ბრძანა, რომ ჯერ კიდევ არ არის საკმარისი, რასაც ჩვენ ვაკეთებთ, ჯერ კიდევ ჩვენი სულიერი ძალები ძალიან სუსტია. მან ბრძანა, რომ ის, რაც ხდება საქართველოში, ეს არის სიყვარულის ნაკლებობის შედეგი. ანუ ჯერ ჩვენ გვიჭირს დავძლიოთ შინაგანი წინააღმდეგობანი, მივალწიოთ ურთიერთგაგებას, ვიყოთ ერთსულოვანნი. ეს არის ნიშანი იმისა, რომ ჯერ კიდევ ჩვენს ერს სჭირდება სულიერი განმტკიცება. ამიტომ, უპირველეს ყოვლისა, ჩვენ ვითხოვთ

ღვთისაგან, ღვთისმშობლისაგან და მოციქულებისაგან, რომ მოგვანიჭოს მტკიცე და შეუორგულელებელი სარწმუნოება, რათა აღვივსოთ ღვთის ძალით და მადლით და ვძლიოთ ყოველგვარ ბოროტებას როგორც ჩვენს საკუთარ თავში, ასევე ჩვენს გარეთ.

მე მინდა გავიხსენო ერთი საოცარი ისტორია წმიდა გიორგის ცხოვრებიდან. ჩვენ უფრო მეტად ვიხსენებთ იმას, თუ როგორ იყო ჯვარზე გაკრული წმ. გიორგი, როგორ დაატრიალეს ბორბალზე და მრავალი წამება გამოიარა მან, მაგრამ ბევრს, შეიძლება, კარგად არც ახსოვს და არც იცის, რომ ერთ-ერთი ბოლო სასწაული, რომელიც მოახდინა წმ. გიორგიმ, ეს იყო სასწაული კერპების შემუსრვისა. როდესაც გავიდა სამი წელიწადი მას შემდეგ, რაც აწამებდნენ წმ. გიორგის და ვერაფრით ვერ შეარყიეს მისი სული, იგი მტკიცე იყო თავის მრწამსში, მოულოდნელად წმ. გიორგიმ გამოუცხადა იმპერატორ დიოკლიტიანეს, რომ მას სურს მივიდეს საკერპო ბომონში, იქ, სადაც კერპებს მსხვერპლს სწირავენ. დიოკლიტიანემ იფიქრა, რომ, ალბათ, შედრკა წმ. გიორგი და უნდა, რომ კერპებს თავყანი სცეს და უარყოს მაცხოვარი. და როდესაც ის მიიყვანეს საკერპო ბომონში, წმ. გიორგიმ მიმართა კერპებში ჩასახლებულ ბოროტ სულებს და უთხრა: „როგორ ბედავთ, იყოთ აქ, ამ შენობაში მაშინ, როდესაც მე შემოვდგი ფეხი ღმერთის, ჭეშმარიტი ღმერთის მსახურმა“. და აი ამ სიტყვების თქმა და კერპების და ბომონების მსხვერვა ერთი და იგივე იყო. და ეს იყო ნიშანი იმისა, რომ მან კიდევ ერთხელ გაიმარჯვა ბოროტებაზე, გაიმარჯვა კერპებზე. და როგორ

შესძლო წმ. გიორგიმ შემუსრვა კერპებისა, როგორ დაამსხვრია მან კერპები მხოლოდ საკუთარ თავზე გამარჯვებით? უპირველეს ყოვლისა, მან დაარღვია უხილავი კერპი საკუთარ თავში და მაშინ დაიძლია ხილული კერპები. აი ასევე, როგორც კი ქართველი ერი თავისი პატრიარქის წინამძღოლობით სულიერად ამაღლდება და საკუთარ თავში დაარღვევს აღმართულ კერპებს, ბორკილებს, რომლითაც მიჯაჭვულია ყოველი ჩვენგანი, მაშინ დაირღვევა ეშმაკის მანქანება და გაამთლიანდება საქართველო. დავბრუნდებით აფხაზეთში და იქნება მშვიდობა და იქნება სიყვარული. და ეს აუცილებლად იქნება. და რაც უფრო მალე მივუახლოვდებით ჩვენ უფალს, მით უფრო მალე მოხდება ეს დიდებული დღე. მაგრამ ეს დღე აუცილებლად დადგება და ვევედროთ უფალს, რომ რაც შეიძლება, მალე დადგეს. ღმერთმა ინებოს, რომ სვიმონ კანანელის დღესასწაული ჩვენ გვეზეიმოს რაც შეიძლება მალე სოხუმში, ახალ ათონში და აფხაზეთში. და მე ვფიქრობ, მომავალ წელს ჩვენ განსაკუთრებით უნდა მოვემზადოთ ჩვენი აფხაზეთის დიდი მფარველის სვიმონ კანანელის დღისათვის და რომ სრულიად საქართველომ ღირსეული პატივი მიაგოს ამ დიდ წმინდანს. კიდევ ერთხელ გილოცავთ ამ დიდებულ დღეს. ასევე, თქვენ იცით, რომ 28-ში არის ამაღლება და ვიდრე ამაღლებამდე ჩვენ ვზეიმობთ აღდგომას, უფლის ბრწყინვალე აღდგომას. უფლის ძალით და მადლით გვეზეიმოს აფხაზეთის და სამაჩაბლოს აღდგომა.

ქრისტე აღდგა!

იცოცხლეთ და იზეიმეთ მრავალსა წელსა მრავალყამიერ!“

სულის საგალობელი

ასე განსაზღვრეს აფხაზეთის სულელებისა და კულტურის ცენტრის მესვეურებმა მერაბ ბერძენიშვილის სახელობის კულტურის საერთაშორისო ცენტრ „მუზაში“ გამართული კონცერტის სახელწოდება, რომელიც ყველა ჩვენგანისათვის სანუკვარი თარიღის, საქართველოს დამოუკიდებლობის აღნიშვნის წინა დღეს შედგა. კონცერტის მრავალნაწილიდან პროგრამას ამაღლებული განცდა ამთლიანებდა. აკადემიურობა და შთაგონება გამოარჩევდა თითოეულ მათგანს, იქნებოდა ეს ანსამბლური თუ ინდივიდუალური შესრულება.

სალამოს გახსნის პატივი წილად ხვდა ქალთა ფოლკლორულ ანსამბლ „ნანინას“, რომელმაც კამერტონის ფუნქცია იტვირთა. კეთილხმოვანება და ანსამბლურობის ფაქიზი შეგრძნება ახასიათებდა მათ მიერ სცენიდან აჟღერებულ ნაწარმოებებს: „დიდება ღმერთს“ და აფხაზურ სიმღერას „გმირ სალუმანზე“.



ღრმა მუსიკალურობითა და იტალიური ბელკანტოს სურნელებით იყო გაჟღერებული ვანო სარაჯიშვილის სახელობის კონსერვატორიის მე-4 კურსის სტუდენტის არჩილ გოგიტიძის (კონცერტმაისტერი ლელა უსეინაშვილი) მიერ ნამღერი სკარლატის „SENTO NEL CORE“. ასევე სიმღერის გულშიჩამწვდომი მანერით, სუფთა ინტონაციებით, რბილი და თბილი ხმის ლამაზი ტემბრით მოგვხიბლა კონსერვატორიის მე-2 კურსის სტუდენტმა მარიამ როინიშვილმა, რომელმაც თანხლების გარეშე შეასრულა ქართული ხალხური „ურმული“.

ჩინებული სასცენო გარეგნობითა და ობერტონებით მდიდარი, ძლიერი მეცო-სოპრანოთი მსმენელის ყურადღება მიიპყრო თბილისის ზაქარია ფალიაშვილის სახელობის ოპერისა და ბალეტის სახელმწიფო

თეატრის ახალგაზრდა სოლისტმა ირინე ალექსიძემ. თამარ მეფის კავატინას დიმიტრი არაყიშვილის ოპერიდან „თქმულება შოთა რუსთაველზე“ ყველა ქართველი მეცო-სოპრანოს რეპერტუარში განსაკუთრებული ადგილი აქვს მიჩენილი. ირინე ალექსიძის ინტერპრეტაციაში (კონცერტმაისტერი ქეთევან ცელაშვილი) ორი საპირისპირო განცდის — ქალურობისა და სიმტკიცის სინთეზი იყო ხაზგასმული.

დამაჯერებლად, შთაგონებული გააზრებით ააჟღერა ოთარ თაქთაქიშვილის „ვინ იცის, როგორ მელის ვარძია“ (ტექსტი ირაკლი აბაშიძისა), ორატორიიდან „რუსთაველის ნაკვალევზე“, თბილისის ზაქარია ფალიაშვილის სახელობის ოპერისა და ბალეტის სახელმწიფო თეატრის სოლისტმა ლეგი იმედაშვილმა. მისასალმებელია, რომ მომღერალი თანაბარ ყურადღებას უთმობს როგორც საოპერო, ასევე კამერულ ნაწარმოებებზე მუშაობას. ამ მიმართულებებით მიღწეულ წარმატებას, მასთან ერთად, იზიარებს კონცერტმაისტერი მარინე ჭანიშვილი.

ამგვარი სახის სალამო-კონცერტებს გარკვეულ რეიტინგს მატებს ხოლმე ისეთი კლასის ოსტატის მონაწილეობა, როგორიც საქართველოს სახალხო არტისტი ელდარ გენაძეა. მას არაერთი პარტია თუ ვოკალური ნაწარმოები აქვს მომზადებული უშუალოდ კომპოზიტორებთან შემოქმედებით თანამშრომლობით. ერთ-ერთი ასეთთაგანია ოთარ თაქთაქიშვილის ვოკალური ციკლი ნიკოლოზ ბარათაშვილის ლექსებზე. მსმენელს უთუოდ დიდხანს გაჰყვება ემოციური მუხტით შესრულებული ურთულესი რომანსი „ჩემი ლოცვა“ ამ ციკლიდან. მომღერალს აკომპანიმენტს უწევდა მისი უცვლელი პარტნიორი, ცნობილი კონცერტმაისტერი დარეჯან მახაშვილი.

ღირიზმი და უშუალოება ახლდა სოფიკო და ანა ცარციძეების (კონცერტმაისტერი ნინო ლეჟავა) გამოსვლას. ამ თანხმობა დუეტმა მერაბ მერაბიშვილის სევდითა და სიყვარულით გამსჭვალული ნაწარმოები „აფხაზეთო, მენატრები“ შეასრულა. ამავე კომპოზიტორის „პაემანი აფხაზეთში“ ააჟღერა თბილისის მოსწავლე ახალგაზრდობის სახლის სიმებიანმა ანსამბლმა ელენე ცარციძის ხელმძღვანელობით.



აუდიტორიის საყოველთაო სიმპაზთა დამსახურა საერთაშორისო კონკურსების ლაურეატმა თამარ ლიჩელმა. იგი პირველი ქართველი პიანისტის ალოიზ მიზანდარის საფორტეპიანო პიესების: „აღმოსავლური მელოდია“, „ლეკური“ და „მაზურკა-ფანტაზია“ პირველ შემსრულებლად მოგვევლინა. ალოიზ მიზანდარს, როგორც კომპოზიტორს, მსმენელი ნაკლებად იცნობს. იგი, როგორც პიანისტი, ევროპის ქვეყნებშიც გამოდიოდა კონცერტებით; მისი სახელი უკავშირდება, აგრეთვე, პირველი უფასო სამუსიკო სკოლის დაარსებას თბილისში. იყო ჩინებული პედაგოგი. მის მოწაფეთაგან გამოირჩეოდა ანა თულაშვილი, რომლის სკოლის წარმომადგენელია ჩვენი თანამედროვე დიდოსტატი თენგიზ ამირეჯიბი. ამირეჯიბის მრავალსაუკეთესო მოწაფეთაგან უნდა გამოვარჩიოთ თამარ ლიჩელი, რომელმაც თავისი სასიქადულო წინაპრის ალოიზ მიზანდარის ტრადიციისადმი ერთგულების ნიშნად, საზოგადოებას გააცნო საფორტეპიანო პიესების მისეული მეტად საინტერესო გააზრება.

(გაგრძელება მე-6 გვ.)



სულის საგალობელი

(დასაწყისი მე-5 გვ.)

მსმენელმა კიდევ ერთხელ გამოხატა თავყვანისცემა და აღფრთოვანება ქართული ხალხური-საკრავიერი მუსიკის მიმართ. ანსამბლმა „ურმულმა“ დავით ქავთარაძის ხელმძღვანელობით ხალხური სიმღერების პოპური წარმოგვიდგინა.

კონცერტის მრავალნახნაგოვნება დიდად განაპირობებს მხატვრული კითხვის ოსტატებმა, მარჯანიშვილისა და რუსთაველის თეატრის მსახიობებმა — ნინო კობერიძემ და მურმან ჯინორიამ. ირაკლი აბაშიძის უკვდავი ციკლის „პალესტინა, პალესტინა“ ერთ-ერთი შედეგური — „თამარ გოდებავ“ ნინო კობერიძემ მკერდისმიერი, დაბალი რეგისტრიდან ამომავალი ხმით გაამძაფრა და განსაკუთრებით ხელშესახები გახადა პოეტური ხედვით გაჯერებული სტრიქონები და ლეგენდარული თამარის ღვთაებრივი სახე განაზოგადა.



მურმან ჯინორიას მიერ ჩვეულებრივ არტისტიზმითა და აღმაფრენით წაკითხული პოეზიის მარგალიტები — ტიცინი ტაბიძის, მუხრან მაჭავარიანის, შოთა ნიშნიანიძისა და ილია ჭავჭავაძის ოქროს ფონდიდან, კონცერტის დამავიწყებელი აკორდი გახდა.



სალამოს დასასრულს ქალბატონმა სვეტლანა ქეცბამ განსაკუთრებული მაღლიერების სიტყვებით მიმართა ცხუმ-აფხაზეთის მიტროპოლიტ დანიელს (დათუაშვილს), სულიერ მოძღვარს, რომელიც აფხაზეთიდან მოყოლებული თანადგომას, მორალურ მხარდაჭერას არ აკლებს დევნილებს და თავისი ყოველდღიური ქმედებით სიმხნევესა და რწმენას ჰმატებს მათ.



სწორედ მეუფე დანიელის ასეთმა დამოკიდებულებამ თავისი მრევლის მიმართ, მისადმი ასეთმა განუზრელმა ყურადღებამ და სითბომ გადაწყვეტინა აფხაზეთის სულიერებისა და კულტურის ცენტრს შეექმნა საკონცერტო პროგრამა, რომელსაც „სულის საგალობელი“ ეწოდა.

ვაჟა ძიგუა
თეატრმცოდნე,
იაკობ გოგებაშვილის სახელობის
პრემიის ლაურეატი



ღსტორიები დღე

7 მაისს სოხუმის სახელმწიფო უნივერსიტეტში სრულიად საქართველოს კათოლიკოს-პატრიარქი, უწმიდესი და უნეტარესი ილია II მობრძანდა. პატრიარქთან ერთად უნივერსიტეტში მობრძანდნენ ცხუმ-აფხაზეთის მიტროპოლიტი მეუფე დანიელი (დათუაშვილი), ზუგდიდისა და ცაიშის მიტროპოლიტი მეუფე გერასიმე (შარაშენიძე), ჭყონდიდელი მთავარეპისკოპოსი მეუფე პეტრე (ცაავა), სენაკისა და ჩხოროწყუს ეპისკოპოსი შიო (ელიზბარ მუჯირი), ქვაშვეთის ტაძრის წინამძღვარი დეკანოზი ბიძინა (გუნია) და მონოზონი ელენე (ნაფეტყარიძე).

უნივერსიტეტს ასევე ესტუმრნენ აფხაზეთის ავტონომიური რესპუბლიკის მთავრობის თავმჯდომარე მალხაზ აკიშბაია, აფხაზეთის უმაღლესი საბჭოს თავმჯდომარე ელგუჯა გვაზავა, აფხაზეთის განათლების მინისტრი

ალექსანდრე აპლაკოვი, აფხაზეთის სულიერებისა და კულტურის ცენტრის თავმჯდომარე სვეტლანა ქეცბა და ივანე ჯავახიშვილის სახელობის თბილისის სახელმწიფო უნივერსიტეტის რექტორი, პროფესორი გიორგი ხუბუა.

პატრიარქმა დალოცა უნივერსიტეტი, შეხვდა აკადემიურ პერსონალსა და სტუდენტებს.

„ეს დღე სოხუმის უნივერსიტეტისათვის ისტორიულია. მე მინდა უნივერსიტეტს საქართველოს მართლმადიდებლური ეკლესიის უმაღლესი ჯილდო — წმიდა გიორგის ოქროს ორდენი გადავცე. არც ერთი საერო და სასულიერო სასწავლებელი ამ ორდენით არ არის დაჯილდოებული. ამ ორდენის ტარების უფლება მხოლოდ რექტორს ექნება და უნივერსიტეტის ყოველ მომდევნო ხელმძღვანელს გა-

დაეცემა. ჩემი სურვილია, რომ დაჯილდოების საზეიმო ცერემონიალი წმიდა სამების საკათედრო ტაძარში გაიმართოს“, — აღნიშნა კათოლიკოს-პატრიარქმა. ილია მეორემ უნივერსიტეტს მარიამ ღვთისმშობლის ხატი (სამხელიანი ღვთისმშობელი) უსახსოვრა, რომელიც გაერთიანებისა და გამთლიანების სიმბოლოა.

მეუფე დანიელმა პატრიარქის სტუმრობის მნიშვნელობაზე ისაუბრა:

— დღეს არის უმნიშვნელოვანესი დღე სოხუმის უნივერსიტეტისათვის. 20 წელი სრულდება მისი დაარსებიდან. მაშინ იგი დაარსდა როგორც ფილიალი და ამ თარიღს დღეს ეს უნივერსიტეტი ხვდება, როგორც დამოუკიდებელი... მაშინ, როდესაც შეიქმნა თბილისის სახელმწიფო უნივერსიტეტი, მას მოუწია არსებობა იმ პირობებში,

(გაგრძელება მე-7 გვ.)

დსტორიკული დღე

(დასაწყისი მე-6 გვ.)

როდესაც იდეგნებოდა ეკლესია, იდეგნებოდა ქრისტიანული სარწმუნოება და უნივერსიტეტმა შეითავსა მეცნიერებისა და სულიერების ფუნქცია. იგი იყო ასევე ტაძარი სულიერებისა და სწორედ უნივერსიტეტმა შეუნარჩუნა ქართველ ერს ქრისტიანული ცნობიერება, ეროვნული ცნობიერება. და როდესაც სოხუმის უნივერსიტეტი გახდა მემკვიდრე, შვილობილი ამ დიდი ტრადიციების უნივერსიტეტისა, სწორედ ქართულმა სულმა იმძლავრა აფხაზეთში და ეს იყო ის ძალა, რომელმაც ქართული თვითშეგნება, ეროვნული თვითშეგნება განამტკიცა იქ იმისთვის, როგორც აქ ითქვა, რომ ჩვენ არ დაგვეთმო ჩვენი მეობა, ჩვენი თვითმყოფადობა. მართალია, ჩვენ დავკარგეთ აფხაზეთი, მაგრამ არ დავკარგეთ ჩვენი მეობა. და თუ ადამიანი და ერი არ დაკარგავს თავის თვითმყოფადობას, იგი აუცილებლად დაიბრუნებს

თავის მიწა-წყალს. იგი ღირსია, რომ დაბრუნდეს თავის მიწა-წყალზე.

სოხუმის სახელმწიფო უნივერსიტეტის რექტორმა, პროფესორმა ჯონი ავაქიძემ პატრიარქს მობრძანებისათვის მადლობა მოახსენა და საჩუქრად წმ. გიორგის ხატი და შანდალი მიართვა.

17 მაისს სამების საკათედრო ტაძარში სოხუმის უნივერსიტეტის ორდენით დაჯილდოვებასთან დაკავშირებით პატრიარქის რეზიდენციაში გაიმართა საზეიმო ცერემონიალი.

— ჩვენ ამ ჯილდოს — განაცხადა უნივერსიტეტის რექტორის მოვალეობის შემსრულებელმა ჯონი ავაქიძემ, — განვიხილავთ, როგორც იმ დიდი ამაგის დაფასებას, რომელიც უნივერსიტეტმა განაწილა ამ ბოლო წლების განმავლობაში. ვფიქრობთ, რომ ეს დაჯილდოვება ხელს შეუწყობს ქართველი და აფხაზი ხალხის ურთიერთობის განმტკიცებას მომავალში.

სამების საკათედრო ტაძარში ქა-

დაგებისას კათოლიკოს-პატრიარქმა იმედი გამოთქვა, რომ აფხაზები და ქართველები კვლავ ერთად იქნებიან:

— მხოლოდ საქართველოსთან ყოფნა გადაარჩინს აფხაზურ კულტურას და ენას.

ცერემონიალის დასასრულს გაიმართა კონცერტი, რომელსაც პატრიარქის კურთხევით უძღვებოდა აფხაზეთის სულიერებისა და კულტურის ცენტრის თავმჯდომარე, მუსიკათმცოდნე სვეტლანა ქეცბა. კონცერტში მონაწილეობდნენ: სიმებიანი კვარტეტი, შემსრულებლები: ზურაბ ანჯაფარიძე, დავით ჭყონია, თემურ გუგუშვილი, ირინე რატიანი, ანა ლლილვაშვილი; კონცერტმაისტერები — მაია ბედიასვილი, ვიქტორია ჩაპლინსკაია, ლელა უსეინასვილი.

— ვფიქრობ, ჩვენს ზეიმს გავაგრძელებთ აფხაზეთში, — ბრძანა მიღებაზე სრულიად საქართველოს კათოლიკოს-პატრიარქმა, უწმიდესმა და უნეტარესმა ილია II.

ჩვენს უჭმად

სოხუმის თეატრის სოჭში

გასულ თვეში კონსტანტინე გამსახურდიას სახელობის სოხუმის სახელმწიფო დრამატულმა თეატრმა სოჭში მაცურებელს წარუდგინა გურამ ოდიშარის „ზღვა, რომელიც შორია“ (რეჟისორი თემურ ჩხეიძე). სპექტაკლს, რომელიც ქართულ-აფხაზურ ურთიერთობებს ასახავს, დიდი გამოხმაურება მოჰყვა. დამსწრეთა შორის იყვნენ როგორც ქართველები, ასევე აფხაზები და სხვა ეროვნების წარმომადგენლებიც, რომლებშიც სცენაზე განვითარებულმა მოვლენებმა ღრმა ემოციები აღძვრა. გავსაუბრეთ სოჭის შეხვედრის მონაწილეს ბატონ თემურ შაშიაშვილს:

— ბატონო თემურ, როგორც ჩვენთვის ცნობილია, თქვენ დაესწართ სოხუმის თეატრის სპექტაკლს სოჭში და მრავალი გამოხმაურებაც მოისმინეთ მასთან დაკავშირებით.

— ყოველთვის განსაკუთრებული დამოკიდებულება მქონდა სოხუმის დრამატული თეატრისადმი. ეს ტრადიციულად ქუთაისისა და სოხუმის მეგობრობიდან მოდიოდა. მერე, მახსოვს, როცა გოგი ქავთარაძის საკითხი წყდებოდა სოხუმის დრამატული თეატრის ხელმძღვანელად დანიშვნის თაობაზე, რამდენჯერმე ვიყავი სტუმრად. როდესაც მძიმე დღეები ჰქონდა სოხუმს, მაშინაც ვიყავი მათთან და ვიყავი სოხუმის ქართულ თეატრში, დავათვალიერე, მხარი დავუჭირე. დღემდე განვიცდი იმ მდგომარეობას, რომელშიც ეს მართლაც უაღრესად

საინტერესო შემოქმედებითი ჯგუფი აღმოჩნდა საქართველოში მომხდარი ამბების გამო და ძალიან ვწუხვარ, რომ მან ისეთი მხარდაჭერა ვერ მიიღო თბილისში, როგორც ეკუთვნოდა მართლაც გამორჩეულ და ასეთი დიდი ბიოგრაფიის და პოტენციალის მქონე თეატრს. ახლა რაც შეეხება სოჭს: თავისთავად ძალიან დიდი მნიშვნელობა ჰქონდა სოჭში სოხუმის ქართული თეატრის ჩასვლას. ამას არა მარტო ქართველები გრძნობდნენ, არამედ სხვებიც. დარბაზში 18 ეროვნების წარმომადგენელზე მეტი იყო და მოხდა უნიკალური რამ — არასტანდარტულ ადგილზე, მაგრამ ბუნებრივ ვითარებაში შედგა სპექტაკლი და ამ სპექტაკლს, საეჭვოა, დასწრებოდა სხვაგან ამდენი სხვადასხვა ეროვნების წარმომადგენელი და ასეთი პროფესიითაც ჭრელი, მრავალფეროვანი საზოგადოება, მაგრამ უაღრესად საინტერესო. ჩემ გვერდით იჯდა ოლიმპიური და მსოფლიო ჩემპიონი ივანიცკი და ამ ადამიანმა იტირა ისე, რომ მე გაოცებული დავრჩი. იცით, რომ სპექტაკლი ძირითადად რუსულად მიდის და იყო რაღაც საოცარი ემოცია თეატრში მთლიანად სპექტაკლის მსვლელობის დროს, არა მგონია, იმ 300-400 ადამიანიდან, რომლებიც ესწრებოდნენ, ერთიც კი დარჩენილიყო დარბაზში, ვინც ამას ცრემ-

ლით და გულისტკივილით არ შეხვდა. ეს იყო ის, თავისთავად, რაც მოხდა, მაგრამ როგორ მიანოდა თეატრმა, შემოქმედებითი პოტენციალის როგორი დონით მიანოდა — ეს იყო საუცხოო. მე შესამედ ვუყურე მაშინ ამ სპექტაკლს, მაგრამ ისეთი შთაბეჭდილება დამრჩა, ალბათ, სცენა და მაცურებელი ისე ვიყავით გაერთიანებული და გარემოც ისე სხვა იყო, ასე მგონია, რომ სრულიად სხვა მასშტაბით, სხვა სიმაღლეზე ითამაშეს ეს სპექტაკლი, რომ ყველა მსახიობი ჰაეროვანი იყო და ამავე დროს უაღრესად მინიერი, ბუნებრივი. სპექტაკლი შესრულდა განსაკუთრებული სიყვარულით. დიმა ჯაიანმა დაიმსახურა უდიდესი მხარდაჭერა, პატივისცემა. მთელმა თეატრმა, ყველა შემსრულებელმა. ეს იყო თეატრისათვის უფრო სხვა განზომილება და რაც ჩემთვის მნიშვნელოვანია, დიდხანს აღარ დაიშალა აუდიტორია, გაგრძელდა საუბარი ამ ისტორიაზე, ამ ბიოგრაფიაზე, ამ ჩვენს დიდ მეგობრობაზე, დიდ სიყვარულზე, ქართველი და აფხაზი ხალხის დიდ სიყვარულსა და მეგობრობაზე, რომელიც სპექტაკლშია და ერთ-ერთი ყველაზე მნიშვნელოვანი იყო ის, რომ რუსები ამას უყურებდნენ, ისეთი შთაბეჭდილება დამრჩა, ისინი გარკვეულ პასუხისმგებლობას გრძნობდნენ ამ უბედურების გამო. სახეებზეც ენერა, რომ უჭირდათ რაიმეს თქმა, მაგრამ არ ეთქვათ, ესეც არ შეიძლებოდა.

(გაგრძელება მე-8 გვ.)

(დასაწყისი მე-7 გვ.)

ჩემად არავინ წასულა და რალაც თავდახრილებიც იდგნენ, ვინც იქ თავდახრილი იდგა, თავდახრის მიზეზი იყო შემოქმედებაც, რასაკვირველია, მაგრამ უფრო ისტორია და პასუხისმგებლობა ყოველივე ამის წინაშე. ამ სპექტაკლმა შეძრა იქ ადამიანები. იყვნენ ხელისუფლების სხვადასხვა შტოების წარმომადგენლები, სხვადასხვა ქვეყნიებიდან. სპექტაკლი ნახა ქართველმაც, ოსმაც აფხაზმაც, სომეხმაც, აზერბაიჯანელმაც, ებრაელმა, რუსმა, უკრაინელმა. ძალიან დიდი იყო ეროვნული შემადგენლობა და ამ სპექტაკლმა ყველა სერიოზულად ჩააფიქრა. ეს ის სპექტაკლია, რომელიც, რამდენადაც მძიმე არ უნდა იყოს, საქართველოშიც უნდა ნახონ ყველგან, აფხაზეთშიც უნდა ნახონ ყველგან, ეს უნდა ნახონ რუსეთშიც, მაგრამ ნახონ არა მარტო როგორც შემოქმედება, არამედ როგორც დიდი ტკივილი, რომელიც გასცდა ერთი სახელმწიფოს, ერთი და ორი ერის მასშტაბებს და მიიღო სრულად სხვა სიმაღლე. ისეთი შთაბეჭდილება მრჩება, რომ ამ ერთ სპექტაკლს, როგორც წყლის ერთ წვეთს, შეუძლია დაგვანახოს მთე-

სოხუმის თევზის სოფში

ლი მსოფლიო თავისი სიჭრელეებით, თავისი სირთულეებით. რა შეიძლება მოჰყვეს ერთ პატარა კონფლიქტს და როგორი სიყვარულია უკონფლიქტო დღეებისადმი. სპექტაკლის მსვლელობისას და მას შემდეგაც იყო ერთ რამეზე საუბარი: რა კარგი იყო, რომ ერთად ვიყავით, რა კარგი იყო, რომ სიცილი გვქონდა სახეზე, იმდენჯერ ათქმევინა მაყურებელს სპექტაკლმა „რა კარგი იყო“, რომ ეს უნდა გახდეს ძალის მომცემი, რომ მომავალშიც კარგი იყოს. ასე დავინახე მე ეს სპექტაკლი.

— აფხაზებიც ესწრებოდნენ ამ სპექტაკლს?

— რა თქმა უნდა და არა ერთი და ორი. მე ძალიან გამიხარდა, როდესაც მოვიდა ჩემთან სამი პიროვნება, რომელთაგან 2 აფხაზი იყო, როგორც თვითონ მითხრეს, სოხუმელი აფხაზები, მომიტანეს სურათები, როგორი საზღვარი გადის აფხაზეთსა და დანარჩენ საქართველოს შორის და მითხრეს, რომ ეს საზღვარი არის XXI საუკუნის „ჩინური კედელი“. თუ ეს შედგა, მერე

ძალიან ძნელი იქნება, ვილაპარაკოთ საქართველოს ერთიანობაზე. მე ძალიან დამამძიმა მათმა ნათქვამმა და ძალიან დამამძიმა ერთ-ერთი აფხაზის ნათქვამმა, რომ „თქვენ ნუ გგონიათ, რომ საქართველოს ხელისუფლებას მარტო რუსეთის ხელისუფლება არ ელაპარაკება. არც აფხაზი ხალხი დაელაპარაკებაო“. არ მინდა პოლიტიკაში გადავიტანო, მაგრამ ძალიან მტკივა გული იმის გამო, რომ არიან ადამიანები, რომლებსაც წარმოუდგენიათ, რომ ამ საკითხის გადაწყვეტა შეიძლება სხვაგან, გარდა თბილისისა და სოხუმისა, რომ არა აქვს მნიშვნელობა, დაელაპარაკება თუ არა მას აფხაზი, რომ ის თვლის, თუ სხვაგან გადაწყდა, ეს ასე იქნება. თავისთავად ეს მიმჩნია შეცდომად.



„შიჩვეულად იყო სიტყვა...“

„... ყოველი საიდუმლო ამას ენასა შინა დამარხულ არს“
იოანე ზოსიმე

ქართული პოეზიის მარჯალიტები ირაკლი ავაშიძე – 100 ხმა ზეიისხილის ზღვაში

— სხვა რამ არ მწამდა,
სამშობლოზე წმიდათა წმიდა,
შემინდე, ღმერთო,
მამულიშვილის ეოვლის დათმობა;
მნათობი შენი
საქართველოს მწამდა მნათობად,
თოვდა თუ წვიმდა -
მამულისთვის თოვდა და წვიმდა.
ო, ჰალესტინაჲ,
ჰალესტინაჲ!
ეოვლის მომცველის,
ეოვლის მფლობელის
მწამდა შენის
სიტყვის, ცხოვლისა,
მეგრამ უადრეს,
უწინარეს,
უძალ ეოვლისა,
მე სამშობლოსთვის,
სამშობლოსთვის
ვიუაჲ მლოცველი.

ნექტრით ის მწავდა,
მწარე მისგან გამწარება,
მის ცის ქვეშ
უმობაც
ჩემთვის იყო აღამდარობა;
მე უკვდავება
მამულს გარეთ არ მწამებია,
არ მიტეხნია
მამულს გარეთ მამამთავრობა.
თუ ღირს ვარ მისი,
მისთა სერთა,
მისთა ტყე-ველთა,
მისი სიმაღლის,
მისი სიღრმის,
მისი ვაურცობის -
გულიც და სუნთქვაც,
ყველა ნიჭი
ჩემის კაცობის
მე წმინდად დავდე
საქართველოს
საურთხევლთან.

იქ მივეც მამულს,
შემოქმედი,
შენის განგებით,
რაც მოფინვესქე,
რაც დავკარგე,
რაც ვაზვიცადე;
იქ ჩაიბარე
საქართველოს მართალ მიწაზე
ის ჩემი სუნთქვაც,
ჩემი ცრემლიც,
ჩემი ჰანჯებიც.
შემინდე შენ შეილის,
თუ ცოდვილი ვარ შენს წინაშე.
მეგრამ ვარ ცოცხალ
იმეჲ სუნთქვით,
იმეჲ ნაღველით,
კვლავ მიწა ჩემი
შეგვედრო
ცრემლით მდაველით,
ამად ავუძიარ,
ამად მოველ ჰალესტინაშიც.

საეკლესიო კალენდარი

- 1 ივლისი (ოთხშ.) — ხსენება ღირ. მიქაელ ულუმბოელისა (VI ს.).
- 4 ივლისი (შაბ.) — ხსენება წმ. დიდებულთა მონამეთა, საქართველოს მეფეთა არჩილისა (744 წ.) და ლუარსაბისა (1622 წ.).
- 7 ივლისი (სამშ.) — შობა პატიოსნისა დიდებულისა წინასწარმეტყველისა, წინამორბედისა და ნათლისმცემელისა იოანესი.
- 10 ივლისი (პარ.) — ხსენება ღირ. გიორგი მთაწმინდელისა (1065 წ.) და მღვდელმონამე კირიონ II, სრულიად საქართველოს კათოლიკოს-პატრიარქისა (1918 წ.).
- 12 ივლისი (კვ.) — პეტრე-პავლობა.
- 13 ივლისი (ორშ.) — დიდებულთა და ყოვლადქებულთა ათორმეტთა მოციქულთა კრება — სვეტიცხოვლობა.
- 15 ივლისი (ოთხშ.) — დადება პატიოსნისა სამოსლისა ყოვლადწმიდისა დედუფლისა ჩვენისა ღმრთისმშობელისა ვლადკერნას (V ს.).
- 16 ივლისი (ხუთშ.) — ყოვლადწმიდა სამების დღესასწაული სტეფანწმინდის რაიონის სოფ. გერგეტში.
- 17 ივლისი (პარ.) — ხსენება წმ. ანდრიასი, კრეტელი მთავარეპისკოპოსისა, სინანულის „დიდი კანონის“ შემქმნელისა (712÷726 წ.).
- 18 ივლისი (შაბ.) — ხსენება ღირ. ათანასე ათონელისა (1000 წ.).
- 23 ივლისი (ხუთშ.) — ხსენება ორმოცდახუთთა მონამეთა, ნიკოპოლისში წამებულთა.
- 25 ივლისი (შაბ.) — ხსენება ღირსთა მამათა ჩვენთა ათონელთა — იოანესი, (ექვთიმეს მამისა) და გაბრიელისა (X ს.).
- 26 ივლისი (კვ.) — კრება გაბრიელ მთავარანგელოზისა.
- 28 ივლისი (სამშ.) — ხსენება მონ. კვირიკესი და ივლიტასი (დაახლ. 305 წ.).
- 30 ივლისი (ხუთშ.) — ხსენება დიდმონამე მარინესი (IV ს.).

ჩვენი მოძღვარი

(კითხვა-პასუხი სულიერი ცხოვრების შესახებ)

— რომელია უფრო აღმატებული — საეკლესიო ღვთისმსახურებაზე დასწრება თუ შინ აღსრულებული პირადი ლოცვები?


— წმ. ანტონი ოპტინელი გვასწავლის: ხილული წმიდა ეკლესიის გარეშე არ იქნებოდა ქრისტეს წმიდა საიდუმლო, ურომლისოდაც ადამიანი ვერ დაიმკვიდრებს საუკუნო ცხოვრებას. საეკლესიო ლოცვას ისეთი ძალა და მნიშვნელობა აქვს, რომ ეკლესიაში წარმოთქმული ერთი „უფალო შეგვიწყალებ“ აღმატება პირად ან სენაკში აღსრულებულ ყველა

სულიერ ვარჯიშს, სწორედ ამიტომ წმიდა მამები ეკლესიაში იდგნენ ისე, როგორც უფლის წმიდა ტახტის წინ წარდგომილნი.

— რისთვის მოგვეცა ღვინო?

— წმ. იოანე ოქროპირი გვმოძღვრავს: ღვინო იმისთვის მოგვეცა, რომ ვიხაროთ და არა იმისთვის, რომ უმსგავსოდ მოვიქცეთ, იმისთვის, რომ ვიცინოთ და არა იმისთვის, რომ დაგვცინონ, ჯანმრთელობის განსამტკიცებლად და არა სულის მოსაუძღურებლად.

(გაგრძელება მე-10 გვ.)



ჩვენი მოძღვარი

(კითხვა-პასუხი სულიერი ცხოვრების შესახებ)

(დასაწყისი მე-9 გვ.)

— როგორ შეიძლება შევენი-
ოთ მიცვალებულთა სულს?

— წმ. იოანე ოქროპირის სწავ-
ლებით, სარწმუნოებით უნდა
აღვასრულებდეთ ხსენებას შეს-
ვენებულთათვის და ამგვარად
ნუგეშს ვცემდეთ ჩვენს მიც-
ვალებულს. უნესო გლოვის,
უსარგებლო ცრემლებისა და სა-
მარეთა შემკობის ნაცვლად მათ-
თვის საღმრთო წირვას, ლოცვა-
სა და მოწყალების გაცემას უნდა
აღვასრულებდეთ, რათა ისინიც
და ჩვენც ღირს ვიქნეთ საუკუნო
ცხოვრების დამკვიდრებად, უფ-
ლისა ჩვენისა იესო ქრისტეს მად-
ლითა და კაცთმოყვარებით. ეს
არის ქრისტიანთა წესი, ღვთის-
თვის სათნო შესაწირავი, მიცვა-
ლებულთა შესაწვენილი და ჩვენ-
თვის დიდად სასარგებლო.

— როგორია სახე საკუთარი
მოძღვრისადმი მორჩილი, ჭეშმა-
რიტი სულიერი შვილისა?

— წმ. მოსე ოპტინელი
გემოდვრავს: მართალ ცხვარს
არა აქვს რქები, იგი არ ეწინააღ-
მდეგება საკუთარ მწყემსს, არ
დრტვინავს, არ ხტუნავს და არ
იკბინება. მწყემსს არ უბრაზდე-
ბა, თუმცა ისჯება კიდევ მისგან,
სიტყვას არ უბრუნებს, არ ჩხუ-
ბობს და არავის ეუბნება აუგს.
ყველაფერში ეთანხმება. მის
თვალწინ კეთილსაიმედოდ და-
დის და საზღვრებს არ სცილდე-
ბა, უცხო ხმებს ყურს არ უგდებს
და არც უცხოებში დაიარება.
თავის მწყემსს ისე უსმენს, რომ
არავითარი წინასწარი განსჯა
არა აქვს, თუმცა, მწირ, ჭაობიან
ადგილზე აძოვებენ, არ ილანძლე-
ბა და არ ჩივის მასზე.

— რა მნიშვნელობა აქვს ადა-
მიანის ცხოვრებისათვის ადგილ-
სამყოფელს?

— წმ. ეფრემ ასურელი შეგ-
ვაგონებს: ადგილსამყოფელი
კი არ აცხოვრებს კაცს, არამედ

საკუთარი კეთილი ნება. ადამი,
ჩვენი პირველმშობელი, სამოთხ-
ეშიც დაეცა ცოდვით, მართალმა
ლოთმა კი სოდომშიც შეინარჩუ-
ნა კეთილმსახურება.

— შეიძლება თუ არა საუბარი
მაშინ, როდესაც ღვთისმსახურე-
ბა მიმდინარეობს?

— კვლავ ეფრემ ასურელის
შეგონებით: აბა, წარმოიდგინე,
რა საქციელი იქნება, მავანი ხელ-
მწიფეს ესაუბრებოდე, ამ დროს
კი ვილაც მონამ დაუძახოს, მან
მეფეს ზურგი შეაქციოს და იმ
მონასთან დაიწყოს ლაპარაკი! აი,
ზუსტად ამგვარად იქცევა ის ადა-
მიანიც, ვინც ღვთისმსახურების
აღსრულებისას მავანთან საუბ-
რობს, სხვა რამეზე ფიქრობს და
საერთოდ გონებაგაფანტულია.

— როგორ მოვეპყროთ მათ,
ვინც ბოროტს იტყვის ჩემზე?

— წმ. ანტონი დიდი შეგვა-
გონებს: ბრძენი იყავ და მდუმარ-
ებით დაუყავ პირი იმათ, ვინც
ბოროტს იტყვის შენზე. არ განუ-
რისხდე მათ და არ აგინო.

— რასნიშნავს სახარების სიტყ-
ვები: „იყვენით უკუე მეცნიერ,
ვითარცა გუელნი“ (მათ. 10, 16)?

— წმ. ამბროსი ოპტინელი
გვასწავლის: გველი, როცა თა-
ვისი ძველი ტყავის გამოცვლის
ჟამი დაუდგება, ძალიან ვიწრო
ადგილას გაივლის და ამგვარად
მოხერხებულად იშორებს ძველ
სამოსს. ასევე თავისი სიძველის
განძარცვის მსურველი ადამი-
ანი, სახარებისეული მცნებების
აღსრულების ვიწრო გზით უნდა
ვიდოდეს. ყოველგვარი თავდას-
ხმის დროს გველი ცდილობს თა-
ვი გადაირჩინოს. ადამიანიც ყვე-
ლაზე მეტად საკუთარ სარწმუ-
ნობას უნდა გაუფრთხილდეს,
რადგანაც, ვიდრე რწმენა შენარ-
ჩუნებულია, კიდევ შეიძლება ყო-
ველივეს გამოსწორება.

— როგორ ეხმარება ადამიანს
სულის ცხოვებაში სიმდაბლე?

— წმ. თეოფანე დაყუდებუ-
ლის შეგონებით, იყვენ ადამი-
ანები, რომლებიც მხოლოდ სიმ-
დაბლით ცხონდნენ, სხვა ღვანლი
მათ არ ჰქონიათ, სიმდაბლის გა-
რეშე კი ჯერ არავინ ცხონებულა
და ვერც ცხონდება.

— რა სარგებელი მოაქვს ჩვენ-
თვის კეთილმსახური ადამიანი-
ბის გვერდით ყოფნას?

— წმ. ანტონი დიდი გვასწავ-
ლის: ნელსაცხებელთა და კე-
თილსურნელებათა გამყიდველ-
თან მისული ადამიანი თვითონაც
კეთილსურნელებით აღივსება.
ასევე, კეთილმსახური ადამიანი-
ბის გვერდით მყოფი ზოგჯერ შე-
უმჩნევლადაც ეჩვევა მათი სათ-
ნოებების მიბაძვას.

— რა მიზანი აქვს ჩვენს, ქრის-
ტიანთა, ცხოვრებას?

— წმ. სერაფიმე საროველი
შეგვაგონებს: ქრისტიანთა ცხოვ-
რების ჭეშმარიტი მიზანი არის
მოხვეჭა ღმრთის წმიდა სულისა.
ხოლო ლოცვა, მღვიძარება, მარ-
ხვა, მოწყალება და ქრისტესთვის
ქმნილი სხვა ქველის საქმეები
მხოლოდ საშუალებებია სულიწ-
მიდის მოხვეჭისა.

— სათნოებათაგან ყველაზე
მეტად რომელი გვანიჭებს სუ-
ლიწმიდის მადლს?

— წმ. სერაფიმე საროველის
სწავლებით: ცხადია, ყოველი
სათნოება, ქრისტესთვის ქმნილი
გვაძლევს მადლსა სულისა წმი-
დისასა, მაგრამ სათნოებათაგან
ყველაზე უფრო მეტად ლოცვაა
მისი მომატყუებელი, რადგან იგი
მუდამ ჩვენს ხელშია, როგორც
იარალი, მომპოვებელი მადლისა
საღმრთოსა სულისა.

ქვაშვეთის წმ. გიორგის
სახელობის ტაძრის
წინამძღვარი, თბილისის
სასულიერო აკადემიისა და
სემინარიის ლექტორი
დეკანოზი ბიძინა (ბუშნია)

სკოლის საგალობელი





ჩინის უცბა

სარედაქციო კოლეგია: სვეტლანა ქეცბა, დეკანოზი ბიძინა (გუნია),
ლია სეხნიაშვილი, ალექსანდრე ფარფალია, ირინა ქეცბა
პასუხისმგებელი რედაქტორი ციციანო ჯულუხიძე

სსიპ „სულიერებისა და კულტურის ცენტრი“

მისამართი: თბილისი, რუსთაველის გამზ. #37, IV სართ. ტელ.: 93-17-20, 895-41-21-70. ტირაჟი: 500 ცალი